

宋詔分各莊紀實

大宋嘉祐七年七月欽奉 仁宗皇帝以義門聚族太盛 恩

保存之是歲七月三日勅江南西路轉運使司謝景初郡牧呂
海曹吏劉獻邑宰穆恂湖口鎮巡檢范彬眾官臨門勸令分析
本官先期奏爲分析事情云敦厚仁風性情也榮盛豐盈人情
也非性情無以統人情非豐盈無以叙敦厚臣敢冒干天恩乞
恩預贈封賜義門陳氏兄弟爵職然後令其分析庶使義門遷
處名播萬載式化家邦後裔禮備樂和無遠近親疎之分循孝
弟忠信之道縣縣瓜瓞繼紹箕裘登蘭任輔皇圖功施社稷無

忝先人斯可矣奏允次年三月遵依 太宗欽賜字號以公汝才思知守宗希彥承延繼等字又按先大成仁遷琉悅昇通等字編定二百九十一人准將潭州鄭州黃州武昌漢陽安慶廬州松江光州洪州舒州等府州縣產業均作二百九十一分拈闡居管此小宗也又將相近毘連之地德化瑞昌星子三縣主田均作二十七分與延牧延賞延疇延禮延昌延慎延麟等二十七人居之又將德安建昌等縣主田均作二十分與知監知爲知慾知敏延戒延霸延生繼元繼謀繼頊繼頤繼榮繼傳繼澥繼郁繼偕繼訂繼詩繼忠二十人居之此大宗也不在二百

九十一人之內自後大宗小宗星分基業遍布諸省府州縣莊
所務要常效義族敦行孝弟建立祠堂春秋依期祭祀高曾祖
禰祈保家門眷序昌榮嗣孫繁衍以承前代光顯宗祊倘有違
者許家長輕則量情重則申稟各處該管地方官施行以警將
來各莊子子孫孫務依祖上家法條範謹守其訓規矩準繩慈
愛恭敬各宜遵奉慎之